

KENYATAAN MEDIA

SWM ENVIRONMENT RAIKAN PEKERJA LAHIR PADA HARI MALAYSIA

MELAKA, 14 SEPTEMBER 2023 – SWM Environment Sdn Bhd (SWM Environment) meraikan empat pekerja pembersihan yang tarikh lahir mereka jatuh pada Hari Malaysia, iaitu pada 16 September. Keempat-empat pekerja ini adalah Rafeah Ismail, 42 tahun, dan Muhammad Eizlan Samsul, 25 tahun, yang bertugas di kawasan Majlis Bandaraya Melaka Bersejarah (MBMB), serta S. Yogeswari dan N. Yasitra, yang keduanya berusia 32 tahun dan bertugas di kawasan Majlis Perbandaran Jasin (MPJ).

“Sejujurnya kami amat berbangga dan teruja dilahirkan pada tarikh yang sama dengan Hari Malaysia, 16 September. Kami adalah anak-anak Malaysia yang dilahirkan dalam suasana aman dan sejahtera, dan kami berjanji untuk menjaga warisan ini demi generasi akan datang,” kata Rafeah Ismail.

“Hari ini adalah hari kelahiran kami, namun ia juga adalah hari kelahiran Malaysia yang penuh dengan keunikan, semangat patriotik, dan semangat untuk menjadi lebih baik. Malah, setiap kali sambutan Hari Malaysia, kawan-kawan selalu mengucapkan Selamat Hari Jadi Anak Malaysia,” tambah S. Yogeswari.

Selain daripada menjadi anak Malaysia, mereka turut berbangga menjadi pekerja di SWM Environment, yang bertanggung-jawab dalam menjaga kebersihan negara di mata dunia.

“Kami adalah pahlawan tanpa tanda jasa yang berjuang untuk menjaga bumi ini dari pencemaran dan kerosakan. Setiap bungkusan sampah yang kami tangani adalah satu langkah kecil menyumbang kepada kelestarian bumi. Kami berusaha agar generasi akan datang dapat menikmati alam ini sama seperti kita atau dengan lebih baik lagi,” kata N. Yasitra.

“Selain berbangga menjadi anak Malaysia yang dilahirkan pada Hari Malaysia, kami juga berbangga dapat menyumbang kudrat, tenaga dan keupayaan fizikal kepada kemajuan negara khususnya dalam sektor pembersihan dan dalam masa yang sama membantu meningkatkan tahap kebersihan negara. Malah, di SWM Environment juga pekerja-pekerja adalah dari pelbagai kaum, sama seperti penduduk di negara kita ini,” ujar Muhammad Eizlan Yusuf.

Mereka ditemui ketika diraikan di Pejabat SWM Environment Wilayah Melaka, Cheng di sini.

Sementara itu Pengurus Besar Korporat SWM Environment, Tuan Haji Mohd Norlisam Mohd Nordin berkata, pihak SWM Environment berbesar hati meraikan para pekerja pembersihan yang ulang tahun kelahiran mereka jatuh pada hari yang sama dengan sambutan Hari Malaysia.



“Sempena sambutan Hari Malaysia ini, adalah diharapkan seluruh warga kerja pembersihan SWM Environment, termasuk mereka yang hari lahirnya sama dengan Hari Malaysia, akan terus memberikan sumbangan bakti kepada negara dalam sektor pembersihan bagi memastikan agenda kebersihan negara terus menjadi salah satu komponen penting dalam pembangunan Malaysia yang kita cintai,” tambah beliau.

-TAMAT-

MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Orang ramai yang mempunyai sebarang pertanyaan berhubung perkhidmatan kutipan sisa pepejal dan pembersihan awam boleh menghubungi Talian Indahkan Malaysia di 1-800-88-7472 atau Talian WhatsApp SWM Environment di 012-618 0082.

Untuk keterangan lanjut, sila hubungi:

Puan Noor Che Wah Binti Ramli

Eksekutif Kanan

Jabatan Komunikasi Korporat & Hal Ehwal Kerajaan

SWM Environment Sdn. Bhd. (Pejabat Wilayah Melaka)

Tel : 06 – 3350191 / 012 – 385 1436

E-mel : wah.ramli@swmsb.com